

Piira Nama 45.—A Te Whetu me etahi atu; he whakanuku i nga hea o nga tangata e whitu—Nama 213, 214, me Nama 218 tae noa ki Nama 222 i roto i te ota—hui katoa nga hea hou mo ratou e rua tekau. Kua whakaaetia tenei tono e nga taha katoa; a kua apititia atu e matou aua hea hou ki te taha o o ratou ingoa i roto i te ota.

A ki ta matou whakaaro me whakapumau tenei whakaotinga.

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Numia te Ruakariata.
2. Te Whetu te Paerata.
3. Te Pouwhare te Roau.
4. Akuhata te Kaha.

5. Te Wakaunua Houpepe.
6. Te Paoro Tangohau.
7. Hohia te Ahikaiata.

GILBERT MAIR (Tawa).
D. F. G. BARCLAY (Pakere).
PARATENE NGATA.

OTARA PORAKA.

Piira Nama 49.—A Tiopira Tamaikoha; he whakanuku hea mo nga tangata e wha—Nama 192, 250, 251, me 252, i roto i te ota—kia tekau nga hea hou mo ia tangata hei apiti atu ki te tekau hea e mau ana ki ia tangata o ratou i raro i te whakatau a te Komihana tuatahi. Kaore i whakahengia tenei tono; a kua whakauruhia atu e matou nga hea hou kotahi tekau ki te taha o te ingoa o ia tangata kotahi o ratou i roto i te ota.

A e tohutohu atu ana matou ki ta matou whakaaro me whakapumau tenei whakaotinga, me whakanuku pera ake o ratou hea, me te ota me whakatikatika kia pera te ahua.

Piira Nama 48 me 50.—A Te Whiu Maraki me etahi atu. Ko enei piira he whakaiti i nga hea o etahi tangata e rua tekau ma ono—Nama 71 tae noa ki 76, Nama 100 ki 102, 114 ki 125, me 180 ki 184, i roto i te ota—kia hoki iho ki nga hea e mau na i roto i te rarangi i homai e nga kai-piira ki te aroaro o tenei Komihana, a e tapiri nei ki te whairu o nga pukapuka o Otara Poraka. A e tonoa mai ana hoki i raro i tetahi o enei piira ko nga ingoa me nga hea o etahi tangata tekau ma toru—Nama 66, 77, 78, me 80, tae noa ki 89, i roto i te ota—me patu atu ki waho o te poraka.

Kaore i whakahengia tenei kereme i te aroaro o tenei Komihana, mai o te nohoanga ki Whakatane i te 18 o nga ra o Hanuere, 1907, tae noa ki te wa i hiki ai te Komihana i Te Whaiti i te 28 o nga ra o Maehe, 1907.

No reira ka tohutohu penei atu nei matou, me whakapumau tenei whakaotinga, a me whakatikatika te ota i runga i tenei ahua, ara:—

Kei te ota tuatahi	...	...	...	...	253 nga ingoa tangata, 2,900 nga hea.
13 nga tangata, 100 nei o ratou hea, kua patua	...	...	...	13	„

Toe ana	...	...	...	240	„
26 nga tangata 180 nga hea i tangohia.					

Kui katoa	280 nga hea i tangohia.	280	„
-----------	-------------------------	-----	---

Nga paanga o nga tangata e wha kua nekehia, i runga i te	2,620	„
hoatutanga o nga hea hou 40 mo ratou	40	„

Huihui katoa	...	...	...	240 tangata,	2,660	„
--------------	-----	-----	-----	--------------	-------	---

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Te Whetu te Paerata.
2. Te Wharau Tapuae.
3. Turei te Hawiki.
4. Te Pairi Tuterangi.

5. Nika te Paerata.
6. Paiaa Rakuraku.
7. Tamehana te Puia.

GILBERT MAIR (Tawa).
D. F. G. BARCLAY (Pakere).
PARATENE NGATA.

WHAITIRIPAPA PORAKA.

Piira Nama 51.—A Akuhata te Kaha me etahi atu; he tono whakaiti i nga hea o etahi tangata e rima tekau ma rua—Nama 168, tae noa ki 174, 181 ki 215, me 218 ki 227, i roto i te ota—ara kia 324 hea e tangohia, kia hoki iho ai ki te 210 hea e mau na te whakaatu i roto i te rarangi i homai e nga kai-piira ki te aroaro o tenei Komihana i te 30 o Hanuere, 1907, ara:—

Nga hea i te ota tuatahi 2,834 hea, e tangohia ana 324 hea, toe iho 2,510 hea.

I whakaaetia tenei keehi whakahe e nga tino tangata ano o aua tangata e whakahengia nei.

E tohutohu atu ana matou me whakapumau tenei whakaotinga, a me whakatikatika te ota mo tenei whenua kia pera te ahua.